

## 老前人心性嘉語



心為太極，人心當如止水則定，定則靜，靜則明。當人心如止水，澄澈虛涵，則主一而存誠，斯止而有定，定則無物慾外誘，妄念中生不待強為制之而自靜；靜乃明，不為物障，常與道會，則觀物而皆見矣。

先天學主乎誠，至誠可以通神明，不誠則不可以得道。先天之學，大要一主於誠，故忠信所以進德，修辭立其誠，所以居業。誠之至，斯志氣如神，夫人洞澈，而無弗明，故神明之通，通於一誠；至道之得，得於其誠而明，否則心多妄而蔽於物，於道何由得也。

資性得之天也，學問得之人也；資性由內出者也，學問由外入者也。自誠明，性也；自明誠，學也。